

آبونه شرائطی

ممالك عثمانیه ده سنه لکی (۶۵)، آلتی
آیلغی (۳۵) غروشدور .
ممالك اجنبیه ده سنه لکی (۱۷)، آلتی
آیلغی (۹) فراقتدر .

اداره خانه

باب عالی جاده سنده دائره مخصوصه

اضطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ایدله یں یازیلر اعاده
اولونماز .

الشرائط

۱۳۳۰

دینی، فلسفی، علمی، ادبی هفته ای مجموعہ اسلامیہ در .

صاحب و مدیر

سر محرر

ع . اشرف ادیب

محمد عاکف

والله يهدي من يشاء الى صراط مستقيم

اتبعون اهدكم سبيل الرشاد

عدد ۳۰۹

۱۱ شوال ۱۳۳۲

پنجشنبه

۲۰ اغستوس ۱۳۳۰

جلد ۱۲

مَقَالَات

سه‌ویشهلم وچالیشالم

محترم «طنین» بر نسخه‌سَنک ایلک سستونلری «سه‌ویشهلم وچالیشالم» عنوانی بیر باش مقاله‌یه تخصیص ایتش. حیات اجتماعی، حیات استقلال دینی و ملیمیزک روخندن بحث ایدن بوقیمتدار مقساله هر درلو تقدیر و ستایشک فوقنده در. نهوت! «سه‌ویشهلم وچالیشالم»! حقیقه بشریتهک ابویوک واک‌مدهش فلاکتی قارشیسنده یز. یکرمنجی عصر مدنیت چیلدیرمش، بوتون ترقی و تکاملیله اتخار ایدیور. جهنم ارضک نصف کره شرقیسی اوزرینه چیقمش، آتشلر، آله‌ولر بوسکور بیور، اجلر، تولوملر قوصیدیور. سیالات قهرودماری جنوبه دوغری آقوب کلور. بو آتشین سیل فلاکتی دوردورا بیلیمک ایچین بویوک بر قوت، بویوک بیر سعی و غیرت ایستر.

غیب ایدمک بیر آتیز بیله یوق. چابوق اولم: سه‌ویشهلم. موجودیتیزی، مملکتیزی بو هول انکیز طوفان فلاکتی قایدیرمامغه، بلکه «مصائب قوم عند قوم فوائد» دستورندن مستفید اولماغه چالیشالم. بو، هائل بیر حریق عمومیدر، خانه‌مز صاحب اوله‌لم، سقوطی ملحوظ اولان قیویلملردن محافظه‌سنه چالیشالم.

بیر حریق و قوعنده هرکس ناصیل خانه‌سنه قوشیور، عاله‌جه متحداً ناصیل تدابیر تحفظیه بوتون سرعت و قوتیله، بوتون سرعت و غیرتیله توسل ایدیورسه بوده هر ملت ایچین عینیه بویله در. بیز مسلمانلرک خانه‌مز وطنمزد در؛ ده‌ا دون بویوک بیر قسمی حریق فلاکتی قایدیردیغمز بدبخت و ظنمزد در.

محترم «طنین»: «بیر ملت ایچین فوق‌العاده لکترله محاط اولان بویله بیر زمانده مدافعه وطن ایشنه قوشاق پک بویوک بیر وظیفه در. فقط وظیفه ساده سلاح طاشیاقدن، دشمنله چارپمایه مهیا بولماقدن عبارت دکدر. مادی و معنوی بوتون قوای حیاتییه بیر آرایه طوبیلاماق، بوتون افراد ملتیی شخص واحد حالنده بیر آرایه جمع ایتک، بیر نفس، بیر قوت، بیر حیات و الحاصل بوتون معناسیله بیر ملت اوله‌سنی ده بیلیمک لازمدر.» دیور. ایشته مسئله‌نک روحی! بوتون متفکر دماغلری، بوتون حساس وجدانلری بیر جاذبه الکتریکی ایله کندیسنه چکن روح

نهوت، انسانلرک یالکیز جسماً بریره طویلانمه‌لرینه، ظاهراً پیغیلر، کتله‌لر، سورولر وجوده کتیرمه‌لرینه اجتماع، یالکیز صرملر صفر، قطعه‌لر تشکیله انتظام دیغمز. اجتماع و انتظامک معنای قلبلرک، فکرلرک، روحلرک، امللرک یکدیگرینی دراغوش ایتملری، ضیای خورشیدکی غیر قابل تجزی و انحلال بر وجود معنوی

و حقیقی اوله‌لریدر. ایشته معنی و روحاً، فکرأ و املاً بویله بیر وجود اولان هیئت انسانییه جانلی بیر جمعیت، حقیقی و یاشامغه کرچکدن لایق بیر ملت اطلاق اولونور.

افرادیی، اجتماعی و ملی حیاتده فردیتک یوقلغنی، آنجاق جمعیتک وارلغنی، فردلر، شېخصلر حیاتلری جمعیتدن، ملتدن آلدیقلری و بنیاء علیه وارلقلری بوتون ثروت و سامانلریله، بوتون سعادتلریله جمعیته مدیون اولدقلری بیلن، شفقت و محبتده، تعاون و تناسرده یکدیگرلیله رقابت ایدن، ضعفاسنی، مرضاسنی، عجزه و مساکنیتی، ایتم و اراملنی آغوش حمایه‌سنده یاشاتان ملت

هانکی عاقل «یاشامق ایسته‌میور میسیکیز؟» دی‌یه صورارسیکیزده «خایر...!» جوابی آلیسیکیز؟ ده‌لیر بیله محیط جمعیتدن خارجه چیقامازلر. اولرده جمعیتک سینئه حمایه‌سنه صیغیلر.

نهوت! سه‌ویشهلم وچالیشالم؛ فقط ناصیل سه‌ویشهلم. بزی هانکی قوت سه‌ویشدیرمک؟

محترم «طنین» ایشته بو قوتدن بحث ایتیمیز. سه‌ومک، سه‌ویشمک افعال وجدانیه و روحیه‌دندر. وجدانلری، روحلری یکدیگرینه ربط ایدمک قوت و محتاجز. ایشته او قوت مقدس دیمز، معظم اسلامیتمزد در. عامل جمعیتمز، ناظم ملتیمز، سلطان مدنیتیمز آنجاق اودر. مسلمانلر ایوبین بوندن باشقا عامل جمعیت، ناظم ملت تصوریه اهن من بیت العنکبوتدر.

بیز بیرلشمک و سه‌ویشمک ایسته‌یورز دکلی؟ ایشته جناب قرآن حکیم! «بیر قلبک روح قادر محتاج اولدوغی بواحد و تحاجی» و اعتصموا بحبل الله جمیعاً و لاتفرقوا... «نظم جلیلیه امر ایدیور. تعاون و تناسری «تعاونوا علی البر و التقوی» آیه کریمه سیله فرمان بویوریورلر. جناب مبلغ رسالت و نبوت، ولی النعمت انسانیت و اسلامیت علیه الصلاة والسلام افندیمر حضرتلری حقیقی مؤمنلری «تری المؤمنین فی تراحمهم و تواضعهم و تعاطفهم کمثل الجسد اذا اشتکی عضو تداعی له سائر الجسد بالسهر و الحمی». رواه الشيخان عن النعمان بن بشر. «سن مؤمنلری یکدیگرینه رحم و شفقتده، مودت و محبتده، تعاطف و تعاونده بیرجسدکی کورورسین. اعضای جسدن بری المناک اولوب ده اویقوسزلقله، حرارتله ناصل او عضو مریض ایله هم آهنگ تالم اولورلرسه ایشته بیر مؤمن ده دوچار مصیبت اولونجه بوتون مؤمنلر اونک دردینه، مصیبتنه اشتراک ایدرلر.» بیر حدیث شریف ده: «المؤمنون کرجل واحد. ان اشتکی عینه اشتکی کله وان اشتکی رأسه اشتکی کله». رواه مسلم عن النعمان بن بشر = مؤمنلر شخص واحد کییدر. بیر آدمک کوزی آغریجه بوتون اعضاسی آغریر. باشی آغریسه وجودینک هر عضوی آغریر. بیر ده: «الساعی علی الارملة و المساکین کالساعی فی سبیل الله». رواه الشيخان عن ابی هریره = دول قادینلره، فقیرلره یاردم وانلرک تأمین معیشتلرینه چالیشان الله بولنده کی مجاهد و محارب کییدر.

پیر دها : « انا وكافل اليتيم له ولنيره في الجنة هكذا وأشار بالسبابة والوسطى وفرج بينهما شيئاً. رواه الشيخان عن سهل بن سعد = بن وليمك - ایسترنکندی طورونی ویاقر باسندن پیری، ایسترنکونی هر هانکی یرمؤمن قارده شنگ چو جوغی اولسون - کافل و حامیسی جنتده یر یریمزه بقینغمز ایشته شویله در. (بویوردیلر و شهادتله اورتیه بارمقلرینی کوسترهرک ایکسینک آره سنی یک جزئی آچدیله.)

بوایی آیت جلیله ایله یر قاج حدیث صحیحی نمونه اولارق ایراد ایدیورم. یوقسه اسلامیتک حیات اجتماعی و ملیتک تأسیسی، مؤمنلری یکدیگرینه قلباً و روحاً ربط ایدن اصول و قواعد دینییه و دساتیر قدسیه شرعیه جلدلر دولدور اچق درجدهده چوقدر.

اسلامیت، انسانیت ایچین یر دین رحمت و شفقتدر. ایشته بیزی یر یریمزه سودیره جک، یرلشدیره جک، ئوبوشدوره جک، چالشدیره جق یر مؤثر، یر فسونکار عاقل !

بیز کرچکدن سهویشمک، ئوبوشمک، یرلشمک، یر وجود کبی حیات اجتماعی و ملیتمزک بوتون آهنگ انتظام و فعالیتله چالیشاق ایسته یور ایسه ک قومیت و عنصریت نامنه، یا لکزی بی سود اولمقله قالمایان، فضله اولارق نفاق و شقاق تخمیلرینی اکن دعوالردن، خولالردن واز کچهلیم. وطنمیزی، اسلام یوردی، اسلام اوجاخی اسلام درنکی یابالیم. اجتماعی، ملی و اقتصادی مساعی و تشبئاتمیزی اسلامیت نام اقدسی تنوید ایتسین. یوقسه نه سهویشمک، نه ده یرلشوب چالیشاق ممکن اولاماز.

بوتون رقابت و عداوت ایزلرینی قالدیره جق، بیزی یرلشدیره جک آنجا ق سلطان ذیشان اسلامیتدر، مقام اقدس خلافت اطرافنده مسلمانجه، دین قارده شجه سنه طویلانیق، یر وجود، یر روح یر فکر، یر امل اولمقدر.

محمد فخر الدین

اسلام عسکرینه

خندق محاربه سی

عسکر !

بیلیرسک که تارلا کبی، باغ باغچه کبی یرلرک اطرافنه - ایچینه یابانچی کیرمه سین، سیل سولری باصوب ده اکیلری، آغاچلری بوزماسین دییه - اوزون اوزون چوقورلر آچارلر بو چوقورلره (هندک) تعیر ایدرلر.

ابتدا باغ، باغچه و یول محافظه سی ایچین قوللانیلان هندکار، صوکرالری قلعه دیوارلرینک کنارینه و مملکتلرک چوره سنه قازنایه باشلادی، عادتاً سپرلر، استحکاملر کبی استعمال اولوندی. چونکه: یر

مملکتیه هجوم ایدوب ده اونی محاصره یه آلان دشمن اوردوسندن قلعه نك بدنلرینه مردیوه دن دایامق، یا خود برجلرینه ایپ آتوب طیرمانق اوزره چیقانلر، اورادن ده آشانی یه اینوب قایلیری آچانلر وقصیه یی ضبط ایدنلر اولویوردی. ان شاء الله ایلریده کوره جکسک که مسلمان مجاهد لردن بوکی فدا کارلرده بولونانلر یک چوقدر.

دیشاریدن که جکله قارشى ایچریده کیلرده قلعه دیوارلرینک دینه هم کنیش، هم اکلر هندکار قازدیله، حتی ایچنه صو طولدوروب قلعه یی آطه حالته قویدیلر. بوندن طولای قاپیده کی بویوک و آصا، کوپرو قالدیریلینجه قلعه نك دیشاری ایله ارتباطی کسلیرو هندکی کچوب قلعه یی فتح ایتک مشکل اولوردی.

فقط بو هندک قازمق اصولی، عربستانک حجاز قسمنده بیلینمز ایدی. ایلک دفعه اولارق - نقل ایدم جکم - بو محاربه ده تطبیق ایدیلدی. او مناسبتله محاربه ده (خندق غزوه سی) نامی آلدی.

مدینه اطرافنده کی یهودیلردن (بنی نضیر) (بنی قریظه) آدلی ایکی قبیله واردی. بونلر، مسلمانلره یکدیگرینه تجاوز و تعرضه بولونماق، ایجابنده ده بربریه یاردمده قصور ایتمه ک اوزره بر معاهده یامیشلردی.

هجرتک دردنجی سنه سی ایچنده ایدی که رسول الله صلی الله علیه وسلم افندیمز، اصحابندن برقاچ کیشو، ایله بنی نضیرک یوردینی تشریف ایتدیلر، بر اؤک اوکنده اوطوروب اوراده کی یهودیلرله قونوشدیلر. پیغمبر افندیمز، اوطوروب کوروشورکن یهودیلردن برقاچینک خاننک داماری طوتدی. دامه چیقوب رسول اللهک اوسته طاش آتمق ایسته دیلر. پیغمبر افندیمز، درحال قالدیدی و مدینه یه کلوب جهاده حاضر اولمالرینی مسلمانلره امر ایتدی. زیرا بنی نضیر یهودیلری معاهده یی بوزمشلر، رسول الله قصدا یله مک کی برخیا ننده بولونمشلردی. سانجاغنی حضرت علی نك اوموزنده دالغه لانا ن مسلمان اوردوسی، بو خائنلرک یوردینی محاصره یه آلدی.

یهودیلر، مدافعه ایتک ایسته دیلر سه ده عاجز قالدیلرینی کورونجه آمان دیله دیلر. مال و متاعلرندن آلتی یوزده وه یوکی اشیا آلوب رسول اللهک مساعدده سیله چکیلدیلر، کیتدیلر.

خیانتلرینک جزاسنه اوغرایان بو حریفلردن برطاقیمی شام طرفلرینه طوغرو اوزادی، بر طاقیمی ده مدینه جوارنده بولونان (خیر) کیدوب اوراده یرله شدی.

خیره چکیلنلر، یوردلرینی اونوتامیورلر، کندیلرینی اورادن چیقاران مسلمانلردن انتقام آلمق ایستیورلر، فقط برکرم تجربه ایتش اولدقلرندن بالکز باشنه اسلام مجاهدلریله اوغراشایه قییشامیورلردی. دوشوندیلر، طاشیندیلر، مسلمانلرک اک صاغلام دشمنی اولان مکهلیرلی قیشقیرتمایه قرار ویردیلر. قالبور اوستنه کلنلردن (سلام بن مشکم) (کنانة ابن أبی الحقیق) (حبی بن الخطب) کیلر،